

Sa Kap Pase ak Tibebe W La?

Devlopman Tibebe W la



Vizit 9 Mwa

Tibebe yo kominike atravè aksyon yo epi ak son yo fè pou fè w konnen sa yo vle.

9–12 MWA: Sa Kap Pase?

Kisa Tibebe W La Ka Fè

Mwen ka konprann plis mo pase kantite mwen ka di.

- Mwen kòmanse konprann sa ou di m. Mwen ka menm suiv enstriksyon ki sen tankou, "Ale pran boul la."
- Mwen di w sa mwen vle gras ak son mwen fè ep ak mouvman kò mwen. Mwen ka di youn oswa de mo, tankou "dada."



Mwen konnen ke bagay yo toujou egziste menm si mwen pa ka wè yo—espesyalman ou menm!

- Sa ka rive mwen kriye lè ou ale paske mwen konnen ou toujou deyò a, yon kote, e mwen vle pou w retounen!

Kisa Ou Ka Fè

Di tibebe w la sa kap pase a epi kisa ou pral fè apre:

"Lè w fin bwè lèt ou, se ap moman pou w fè yon syès." Sa ede yo aprann lang lan. Woutin anseye yo kisa pou yo atann.



Mete pawòl sou son ak aksyon tibebe w la. Di, "Wap pouse manje w la jete. Mwen panse ou vle di m ke w pa vle ankò."

Bay non bagay tibebe w la ap gade yo oswa ap montre yo. Di, "Sa se lalin nan. Lalin nan parèt lès wa."

Fè jwèt kach kach. Sa ede tibebe w la aprann ke bagay ki ale yo retounen tou.

Asire w pou di tibebe w la babay. Pa soti ankachèt. Sa devlope konfyans e li ede yo aprann kijan pou yo fè fas ak separasyon.

Pandan wap itilize feyè HealthySteps yo, sonje pitit ou a ka devlope kapasite l pi vit oubyen pi dousman pase sa ki make nan feyè yo e atoutsa lap grandi trè byen. Chak timoun devlope nan pwòp vitès pa yo. Espesyalis HealthySteps ou a ap disponib pou reponn nenpòt kesyon ou genyen. Kwayans ak valè kiltirèl fanmi w se faktè enpòtan tou ki fasonnen devlopman pitit ou a.

Sa Kap Pase?

Kisa Tibebe W La Ka Fè

Mwen ka ranpe ak rale.

- Mwen jwenn pwòp fason pa m pou m rale—sou men m oswa jenou m, sou vant mwen, "rale krab" lè mwen deplase pa bak oswa sou kote, oswa menm lè mwen trennen sou dèyè m!
- Mwen mache etan mwen kenbe mèb yo oswa men w. mwen ka menm kòmanse mache poukont mwen.

Mwen renmen fè ak refè bagay yo ankò.

- Se fason sa mwen antrene m ak dekouvri kijan bagay yo fonksyone.
- Repetisyon ede m devlope memwa m tou.

Kisa Ou Ka Fè

Bay tibebe w la anpil tan ak yon espas ki san danje pou li pratike nouvo konpetans tankou rale ak mache.

Pye atè pi bon. Tibebe w la itilize zòtèy li pou li kenbe atè a.

Fè yon "wout pou jwèt" nan yon espas ki san danje pou timoun lakay ou.

Aliyen plizyè objè (yon kiyè bwa, yon bòl plastik, yon tòchon ki gen anpil koulè) ke pitit ou a ka rale pou li pran yo ak pou li eksplòre.

Ede pitit ou a pran lòt etap nan jwèt li.

Si yap frape de blòk ansanm, gade si yo ta renmen eseye anpile yo.

Bay pitit ou a yon boul pou li lanse oswa yon tchatcha pou li souke.

Aktivite sa yo ede timoun aprann fason bagay yo fonksyone. Yo devlope misk ki nan men yo tou, sa ki pral ede yo aprann ekri.

Lòt Bagay pou Konnen ak Eseye

- ☐ Montre tibebe w la kijan prensip koz-a-efè a fonksyone, pa egzanp lè w kite l peze sonèt pòt la oswa lè li limen limyè a.
- ☐ Swiv sa tibebe w la ap fè. Idantifye sa ki entèrese pitit ou a epi kite l (an tout sekirite) eksplòre yon objè nan pwòp fason pa l.
- ☐ Ankouraje tibebe w la pou li itilize tout sans li. Kite l touche yon moso glas. Obsève lè li fonn. Chifonnen fèy nan men w epi gade sa k pase.
- ☐ Sekirite timoun yon lòt fwa ankò! Kòm kounya tibebe yo gen yon objektif nan tèt yo, tankou touche remòt tele a, pwoteje kay la pou tibebe a pou li pase plis tan ap jwe, ak pou li fè mwens tan ap di "non."

Pandan vizit sa a, ekip pedyatrik la ap mezire longè, pwa ak sikonferans tèt tibebe w la. Yo pral koute batman kè tibebe w la epi egzamine je, zòrèy, nen ak bouch li. Tibebe w la pral pran tout vaksen ki nesèsè yo. Nou pral pale sou devlopman ak abidid tibebe w la, tankou dòmi ak manje. Nou pral revize tou konsèy sekirite yo. Epi, byennantandi, nou pral pran tan pou diskite sou nenpòt kesyon oswa enkyetid ou ka genyen!